



An Rialáí  
Carthanas  
Charities  
Regulator

# Seicliosta don phaca ionduchtúcháin

### **Séanadh Dlíthiúil**

Tá an doiciméad seo á eisiúint ag an Rialálaí Carthanais faoi alt 14(1)(i) den Acht Carthanais 2009 ar mhaithe le feabhas ar riadar agus bainistiú eagraíochtaí carthanúla a spreagadh agus a éascú. Tá sé á fhoilsíú mar shraith treorach arb é is aidhm di tacaíocht a thabhairt d'iontaobhaithe carthanais a ndualgais dhlíthiúla a chomhlíonadh trí chórais, próisis agus beartais a chur i bhfeidhm lena gcinntítear go mbainistítear carthanais ar bhealach éifeachtach, éifeachtúil, cuntasach agus tréadhearcach.

Níl an doiciméad seo ina ráiteas críochnúil, agus níl sé deartha chun a bheith ina ráiteas críochnúil, ar an dlí. Ní thugtar aon chomhairle dlí ann ach oiread. Moltar d'iontaobhaithe carthanais a ndoiciméad rialaithe a léamh nó a gcomhairle dlí neamhspleách féin a fháil nuair is gá. Ní ghlacann an Rialálaí Carthanais le freaghracht ná dliteanas ar bith as aon earráidí, mhíchruinneas nó easnaimh sa doiciméad seo.

# Seicliosta don phaca ionduchtúcháin

## Réamhrá

Le linn an phróisis ionduchtúcháin, ba cheart pacá ionduchtúcháin a sholáthar d'iontaobhaithe carthanais nua agus cruinnithe a eagrú idir iad agus na hiontaobhaithe carthanais atá ann cheana, leis an gCathaoirleach agus le fostaithe agus oibrithe deonacha tábhachtacha eile laistigh den charthanas.

## Na doiciméid thábhachtacha atá le soláthar

Ba cheart pacá ionduchtúcháin a sholáthar do gach iontaobhaí carthanais. Is iad seo a leanas na hábhair atá le cur ar áireamh sa phaca ionduchtúcháin:

- Litir fáiltithe (ón gCathaoirleach);
- Doiciméad rialaithe an charthanais;
- Achoimre ghairid ar stair an charthanais agus breac-chuntas ar an obair atá ar bun aige faoi láthair;
- Tuarascáil ar dhul chun cinn, rud a foilsíodh le déanaí agus ina gcuirtear síos ar staid an charthanais maidir le haon spriocanna atá aige;
- Cait Eagraíochta, más infheidhme;
- Liosta ar a bhfuil ainm agus sonraí teagmhála na n-iontaobhaithe carthanais reatha, an Chathaoirligh agus an rúnaí;
- Na miontuairiscí ar chruinnithe boird le déanaí;
- Sceideal cruinnithe boird atá le teacht;
- Liosta ina leagtar amach na fochoistí boird, ainm na n-iontaobhaithe atá ag fónamh ar na fochoistí agus sceideal cruinnithe na bhfochoistí;
- An tuarascáil bhliantúil agus na cuntais don dá bhliain seo a chuaigh thart;
- An Cód lompair d'iontaobhaithe carthanais atá i bhfeidhm ag an gcarthanas;
- Foirm um Dhearbhú Leasanna;
- Gach beartas atá i bhfeidhm ag an gcarthanas, nó liosta ina leagtar amach na beartais sin agus ina léirítear cén áit ar féidir iad a fháil;
- Sonraí faoi na treoirdhoiciméid atá ar fáil ar shuíomh Gréasáin an Rialálaí Carthanas;
- An Cód Rialachais do Charthanais

## Doiciméid Ábhartha Eile

---

Ba cheart an doiciméad seo a léamh i gcomhar leis na doiciméid ‘[Iontaobhaithe carthanais ionchasacha a earcú agus a ionductútú](#)’, ‘[Treoir maidir le Cód lompair d'iontaobhaithe carthanais](#)’ agus ‘[Treoir d'Iontaobhaithe Carthanais](#)’.